



Uunga siunnersuut: Meeqqanik pinerliisimanginnermut uppernarsaatinik piunasaqaateqartussaataaneq pillugu Inatsisartut inatsisaata allanngortinnera pillugu Inatsisartut inatsisaat. (Ukioqatigiiaanik illersorneqartunik annertunerulersitsineq, paasissutissanik aallertussaaneramik pisussaaffimmik annertunerulersitsineq, meeqqanik pinerliisimanginnermik uppernarsaammi paasissutissanik annertunerulersitsineq kinguaassiuutitsigut pinerluuteqarsimaneq pillugu)

(Ilinniartitaanermut, Kultureqarnermut, Timersornermut Ilageeqarnermullu Naalackersuisoq)
(Siullermeerneqarnera)

Aallaqqaasiutitut Demokraatit Inatsisartuni ilaasortaatarisimasaanut Steen Lyngimut qujarusuppunga Ukiaanerani katersuunnermi 2019-imi ajornartorsiut saqqummiussimammagu. Annertuumik taanna pisuuvoq, ullumikkut siunnersuutip kusanartup, meeqqanik pinerliisimanginnermut uppernarsaatip annertunerulersinnissaa oqaluuserisussanngoratsigu imaasillugu, meeqqat ullumikkumit annertunerusumik kinguaassiuutitigut atornerlunneqarsinnaaneritut illersorsinnaalissallutigit.

FN-ip Meeqqat pillugit isumaqatigiissutaa artikel 19 tunngavigalugu pisussaaffiliisoqarpoq meeqqat naalliutsitaanerannut atornerlunneqarnerannulluunniit illersuisussamik naleqquttunik inatsisiliornissaaq, tassanilu aamma kinguaassiuutitigut atornerlunneqarneq, meeraq inummit allamit tigummineqartillugu. Taamatutaaq Meeqqat pillugit isumaqatigiissummi artikel 1-imi allaqqavoq, kinaluunniit inuk 18-nit inorlugit ukiulik, isumaqatigiissut malillugu meeqqatut isigineqartoq.

Tamanna tunngavigalugu Demokraatit isumaqarput, Meeqqat pillugit isumaqatigiissummik malitsinerussasoq Inatsisartut inatsisaat meeqqanik pinerliisimanginnermik uppernarsaatip annertusinissaanut allannguinissaaq imaasillugu meeqqanik pinerliisimanginnermik uppernarsaammik piniartarneq annertusillugu atorfininnermi imaluunniit sulilernermi meeqqanik 15-nit qaangerlugit ukiulinnik sullissisunut aamma pisartussanngorlugu. Imaasillugul, pinerliisimanermut allattorsimafimmit allagartaq piniarneqartussaaq, aamma meeqqanut taama ukiulinnut kinguaassiuutitigut pinerliisimasunut atuutissasoq.

Demokraatit isumaqarput, meeqqat 18-nit inorlugit ukiullit tamarmik inuiaqatigiinnit illersorneqassasut, piunasaqaataavorlu, meeqqanik pinerliisimanginnermik uppernarsaat aamma inunnut atuutissasoq, atorfinitsitaanerminni imaluunniit sulilernerminni meeqqanut 15-nit qaangerlugit ukiulinnut atassuteqartussanut.

Taamatutaaq ataqatigiinngilaq, meeqqanik pinerliisimanginnermik uppernarsaat meeqqanik 15-nit inorlugit ukiulinnut kinguaassiuutitigut pinerliisimanermut paasissutissanik imaqarmat, meeqqanullu 15-nit qaangerlugit ukiulinnut kinguaassiuutitigut pinerliisimanermut paasissutissanik imaqarani.



Ataqtigiinngilaq, inersimasut, kinguaassiuutitigut pinerliisimasut atorfinitsinneqartarnerat, naak meeqqanut 15-nit qaangerlugit ukiulinnut pinerliisimagaluarlutik.

Siunnersuut akuereqqullugu innersuunneqarpoq ataatsimiititaliamullu attuumassuteqartumut suliarisassatut innersuunneqarluni.